

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt. Ákvæði þessarar málsgreinar tekur ekki gildi fyrr en kemur til leigu á vatnasvæðinu.

6. Aðalfund skal halda í marz—apríl mánuði ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá.
7. Reikningsár félagsins er almanaksárið. Stjórninni ber að færa reikninga í gerðabók, sem henni er skylt að halda svo og samþykktir félagsins, félagaskrá, arðskrá, fundargerðir og bréf.
8. Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.
9. Brot á samþykkt þessari varðar sektum samkvæmt XVII. kafla laga nr. 53/1957, um lax- og silungsveiði.

Samþykkt þessi staðfestist hér með samkvæmt lögum nr. 53 5. júní 1957, um lax- og silungsveiði, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 28. apríl 1966.

Ingólfur Jónsson.

Jón L. Arnalds.

REGLUGERÐ

um breytingu á hafnarreglugerð fyrir Grundarfjörð, nr. 106 27. júlí 1962.

1. gr.

VII. kafli orðist þannig:

Hafnargjöld.

30. gr.

Öll skip, sem koma til Grundarfjarðar og hafa samband við land, skulu greiða hafnargjald sem hér segir:

- a. Skip og bátar, sem eru eign manna, búsettra í Grundarfirði eða eru gerðir út þaðan, að minnsta kosti um tveggja mánaða tíma, skulu greiða hafnargjald einu sinni á ári kr. 20.00 af hverri brúttórúmllest.
- b. Fiskiskip og strandferðaskip, sem eru í innanlandssiglingu, greiði kr. 2.00 af hverri brúttórúmllest, en þó ekki meira en kr. 10.00 á ári af hverri brúttórúmllest skipsins.
- c. Öll önnur skip, sem til hafnarinnar koma, nema þau sem undanþágu njóta skv. 33. grein, skulu greiða kr. 1.50 af hverri brúttórúmllest.

31. gr.

Undanþegin hafnargjaldi eru herskip, varðskip, björgunarskip, skemmtiskip og skip, sem gerð eru út til vísindalegra rannsókna. Einnig skip, sem leita hafnar vegna óveðurs, sjóskaða eða skemmda á einhvern hátt, nema þau fermi eða af-

fermi einhverjar vörur. Sama gildir og um skip, sem leita hafnarinnar til að setja á land sjúka eða látna menn.

Röð eftirfarandi greina reglugerðarinnar breytist í samræmi við framangreinda breytingu reglugerðarinnar.

2. gr.

37. gr. reglugerðarinnar, sem verður 35. gr., orðist þannig:

35. gr.

Vörugjaldskrá.

1. flokkur. Gjald kr. 2.50 fyrir hver 100 kg:
Fiskur upp úr sjó, kol, salt, sement, áburður, fóðurvörur.
2. flokkur. Gjald kr. 4.00 fyrir hver 100 kg:
Frystur fiskur, saltfiskur, fiskimjöl, lýsi.
3. flokkur. Gjald kr. 4.50 fyrir hver 100 kg:
Oliur, benzín, veiðarfæri, fiskumbúðir, skreið og aðrar sjávarafurðir, sem ekki eru taldar annars staðar, landbúnaðarvörur.
4. flokkur. Gjald kr. 5.00 fyrir hver 100 kg:
Kornvara, garðávextir og önnur sekkjavara, sem ekki er talin annars staðar, byggingarvörur, vélar og vélahlutir.
5. flokkur. Gjald kr. 10.00 fyrir hver 100 kg:
Kaffi, smjörlíki, brauðvörur, ávextir og aðrar matvörur, sem ekki eru taldar annars staðar, búsáhöld og pappírsvörur, vefnaðarvara, skófatnaður, öl, tóbak, sælgæti, svo og aðrar vörur, sem ekki teljast til annarra flokka gjaldskrárinnar.
6. flokkur. Gjald kr. 4.50 fyrir hverja tunnu af saltsíld, gotu og öðrum sjávarafurðum.
7. flokkur. Gjald kr. 1.50 fyrir hverja tóma tunnu.
8. flokkur. Gjald kr. 1.20 fyrir hvert teningsfet af trjáviði og alls konar timburvörum, svo og öllum öðrum vörum, sem reiknuð er eftir rúmmáli í flutningi.

3. gr.

38. gr. reglugerðarinnar, sem verður 36 gr., orðist þannig:

36. gr.

Verbúðir.

Leiga fyrir verbúðir hafnarinnar í Grafarnesi, Grundarfirði, skal vera sem hér segir:

- a. Fyrir leigu á beitingarúmi og hjóðageymslu kr. 1200.00 á mánuði og leiga fyrir veiðarfærageymslu í risi kr. 1000.00 á mánuði, hvort tveggja miðað við ársleigu, en sé leigt til styttri tíma, má leigja allt að 50% hærra.
- b. Leiga á íbúðarherbergi skal vera kr. 600.00 á mánuði, og leiga á borðstofu, eldhúsi og þvottahúsi skal vera kr. 1500.00 á mánuði.
- c. Leigutaki greiði sjálfur rafmagn og upphitun á leiguhúsnæði sínu.
- d. Húsaleigu skal greiða fyrirfram mánaðarlega og skal fyrsti gjalddagi vera 2. janúar ár hvert.
- e. Réttur til innheimtu á húsaleigu á verðbúðum er sami og á öðrum hafnar-gjöldum, og hefur höfnin rétt til þess að kyrrsetja báta og afla þeirra til greiðslu á húsaleigu, upphitun og rafmagn og einnig viðgerðarkostnaði, sem leigjandi telst eiga að greiða.

- f. Öllum skemmdum, sem kunna að verða á verbúðunum, eða íbúðum, ber leigutaki fulla ábyrgð á og skal hann bæta þær að fullu. Fulltrúi frá hreppsnefnd og hafnarnefnd skal fylgjast með ástandi hússins og ganga eftir að gert sé við skemmdir eða láta gera við skemmdir á kostnað leigutaka.
- g. Leigusamningi skal segja upp með þriggja mánaða fyrirvara sé um ársleigu að ræða. Leigutaki fyrirgerir rétti sínum í til leigu á verbúðunum, ef hann sýnir hirðuleysi og vanrækslu í sambandi við umgengni verbúðanna svo og fyrir ítrekaða vangreiðslu á leigu- og rekstrarkostnaði.
- h. Hafnarnefnd og hreppsnefnd skulu auglýsa verbúðirnar til leigu. Leigusamningar taka gildi, þegar hreppsnefnd hefur samþykkt þá. Leigutaka er óheimilt að framleigja verbúðirnar, nema með samþykki hreppsnefndar.

Reglugerð þessi staðfestist hér með samkvæmt lögum um hafnargerðir og lendingarbætur, nr. 29 23. apríl 1946, sbr. lög nr. 41 5. apríl 1948, til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 25. apríl 1966.

Eggert G. Þorsteinsson.

Brynjólfur Ingólfsson.

S A M Þ Y K K T

um breytingu á samþykkt um sýsluvegasjóð Árnassýslu, nr. 236 6. október 1964.

1. gr.

Í skrá yfir sýsluvegi í 2. grein komi til viðbótar:

Stokkseyrarhreppur:

Tóttavegur af Holt svegi að Tóttum.

Sandvíkurhreppur:

Bjarkarvegur af Eyrarbakkegi að Björk.

Gnúpverjahreppur:

Stóru-Mástunguvegur af Mástunguvegi hjá Stóru-Mástungu I á Mástunguveg hjá Stóru-Mástungu II.

Biskupstungnahreppur:

Bergsstaðavegur af Bræðratunguvegi að Bergsstöðum.
Götur í Laugarási.

Ölfushreppur:

Barmahlíðarvegur frá Hótel Hveragerði að Reykjakoti með álmu að Gufudal. Sýsluvegir í Selfosshreppi, Eyrarbakkahreppi og Hveragerðishreppi falla niður.

2. gr.

Samþykkt þessi öðlast þegar gildi.